


T 2720.2/2915(5)

5

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	40/9/-43	42/57/29	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						



重鐫朱青巖先生擬編明紀輯畧卷五

明紀

英宗睿皇帝

諱祁鎮宣宗第一子。正統十四年北狩。景泰元年還。居南宮。天順元年復辟。八年崩。年三十八。共在位二十二年。葬裕陵。

丙辰正統元年春正月。開經筵。大學士楊士奇、楊榮

、楊溥、知經筵事。○二月會試。以少詹事王直侍講學

士陳循充考試官。取劉定之等一百人。○三月廷試

賜周旋、陳文、劉定之等進士。及第出身有差。○命蘇

松、嘉、湖等府官田。准民田起科。每畝秋糧四斗一升

以上。至一石者。減作二斗七升。二斗七升以上。至四

官田起  
民田起  
科

哈佛大學  
圖書館  
珍藏印

斗者減作二斗一升一斗以上至二斗者減作一斗蘇州一府減秋糧八十餘萬石。從巡撫周忱知府况鍾之言也。他府所減有差。

始設提學

夏四月始設提學。南北兩京御史各一員。各省副使或僉事一員。專勅責成。提督學政不許撫按侵越。○冬十二月命兵部尚書王驥巡視陝西邊塞。時阿台朶兒只伯擾邊。都督蔣貴等率師搜捕。駐軍魚海。聽都指揮使安敬議。逗留不進。僉都御史羅亨信至其營讓之曰。公等受國恩甚厚。握重兵臨敵。退縮安用。公等且公等特畏死耳。死國法。孰若死敵。貴等執芻

糧不繼。爲辭。亨信卽上章劾貴等。老師玩寇。安敬畏縮誤事。乞專命重臣。量調精兵。約會寧夏軍馬。仍從魚海分道進擊。庶賊首可得。邊境可寧。上乃命王驥整飭邊務。便宜行事。

丁巳二年春正月。太皇太后御便殿。召英國公張輔。大學士楊士奇。楊榮。楊溥。尚書胡濙入朝。上東立。輔等西下立。太后顧謂上曰。此五人先朝所簡。以貽皇帝。凡有行。必與之計。非五人所贊成者。則不可行也。上受命。頃之。宣王振至。太后顏色頓異。曰。汝侍皇帝起居。多不法。今賜汝死。上跪爲之請。諸大臣皆跪。太

后曰。皇帝年幼。豈知此輩自古誤人家國多矣。我且聽皇帝暨諸臣留振。今後不得再令干預國事。初宣宗崩。太皇太后將宮中一切玩好之物。不急之務。悉皆罷去。禁中官預政。政歸臺閣。上初即位。詔凡朝廷大事。必白於太皇太后。然後行。太皇太后令付閣下議決。每數日。命中官至閣。問連日曾有何事商確。卽以帖開某日。中官某。以幾事來議。如何施行。太后乃以帖所開驗之。或王振自斷。不付閣下議者。必召振責之。由是正統數年間。政治清明。天下休息。皆太皇太后之力也。

〔璘按〕太皇太后張氏。却臨朝聽政之請。而守祖宗成法。專任輔臣。於是首開經筵。以端其本。罷玩好。以防其漸。復深察王振之姦。召集內庭。嚴辭厲色。不許干預政事。蓋有以窺英宗之微。欲其慎終於始也。厥後南宮復辟。卒能誅曹石之黨。而任用李賢。何莫非貽謀所致歟。

二月進宋儒胡安國蔡沈真德秀從祀孔子廟庭。○

王驥巡邊至甘肅。大集兵於轅門。問曩大軍遇敵於

魚海。而先退者爲誰。咸曰。都指揮安敬。命引出斬之。

三軍股慄。

驥受命慘敬而故秘之也。

因簡閱戍兵。謹烽堠。嚴部伍。

利器械。軍容肅然。會別部巴禿孛羅寇莊浪。遣都指

揮衛榮擊敗之。俘獲甚衆。寇知有備。乃遣知院阿魯

等納款於朝。驥以甘州官軍冗費。乃選留二萬五千

人餘還本衛更番代之於是兵得休息民減轉輸之勞

秋九月召溫州府知府何文淵為刑部右侍郎文淵與况

鍾等九人皆治郡有聲詔方面郡守缺員仍遵宣德間事例在

京三品以上官保舉所舉之人後有犯贓舉主坐罪

從楊士奇等議也

賜贊理陝西軍務兵部左侍郎柴車食二品俸仍賜

白金文綺車盡心邊務上深嘉之

戊午三年夏四月宣宗實錄成進楊士奇楊榮少師

楊溥少保餘進秩有差○王驥遣都督蔣貴趙安率

師出塞驥與都督任禮等出鎮彘關與貴期以狼心

山舉火為號貴襲阿台朶兒只伯巢穴與任禮縱兵

夾攻擒其驍將虎都丹等三十餘人進兵青羊山轉

戰二千餘里俘男婦二十餘口馬駝牛羊無算阿台

朶兒只伯走死○冬十月召王驥還論功驥以尚書

兼大理寺卿柴車加兵部尚書仍贊理陝西軍務封

都督蔣貴定西伯任禮寧遠伯趙安會昌伯○雲南

麓川宣慰司思任發叛侵掠騰衝南甸等處遣王事

楊寧往諭不聽

己未四年春二月會試以禮部侍郎兼翰林院學士

王直學士蘭從善充考試官。取楊鼎等一百人。○三月廷試。賜施槃楊鼎倪謙等進士及第。出身有差。○

加蘇州府知府况鍾吉安府知府陳本溪。秩正三品。

仍知府事。

鍾考滿當代軍民詣闕留者數萬人詔陞

寧波人在郡十八年以老疾致仕二郡之民至今歌思焉。

夏四月倭寇浙東。朝命重帥守要地。增城堡。謹斥堠。

以備之。

五月黔國公沐晟奉命討思任發。都督方政違晟節。

制。渡江陷沒。上遣使責狀。晟曰。吾主將。失律喪師。罪

當死。飲藥而卒。

冬十月廢遼王貴烺為庶人。坐滅天理亂人倫也。○

十一月追封故廣西總兵官都督同知山雲為懷遠

伯。謚襄毅。

雲鎮廣西十餘年。廉明仁勇。繼其後者皆莫能及。

○十二月徙封

荆王於蘄州。

庚申五年春正月。參贊南京機務少保戶部尚書黃

福卒。

成化中。贈太保。謚忠宣。

○令天下有司於秋成時。修築圩

岸。疏濬陂塘。以便農作。仍具數申報。俟考滿點陟。○

召南京守備襄城伯李隆提督京營。

夏四月。少師大學士楊榮還鄉省墓。事畢還京。卒於

杭州。訃聞。贈左柱國太師。謚文敏。

所著有兩京類稿。玉堂遺稿。北征記。

退思集。默菴集等書。按憲章錄。福建僉事。廖謨杖死。驛丞楊溥欲坐以償命。楊士奇欲擬以因公致死。互爭不決。請裁於太皇太后。王振因而進言。謂溥與驛丞同鄉。士奇與僉事同鄉。未免皆有私意。償命過重。因公過輕。宜對品降僉事。為府同知。太后聽之。自是振漸摺撫內閣之過。而榮以先卒。無間言。○命侍讀學士苗衷馬愉侍講曹鼐並入內閣。參與機務。擢松江府學教授孫鼎為南直隸提學御史。鼎以秩滿授是職。中外皆稱得師。

辛酉六年春正月。命定西伯蔣貴總兵征麓川。太監吉祥監軍。兵部尚書王驥提督軍務。○侍讀劉球上言。脫歡也先父子併吞諸部。溪謀入寇。而思任發依阻山谷。悔過乞降。議者乃釋豺狼攻犬豕。舍門庭之近。圖邊徼之遠。非計也。王振不從。

夏六月。陳智免。以王文為右都御史。

冬十一月。奉天華蓋謹身三殿。乾清坤寧二宮成。上御奉天殿朝羣臣。大赦天下。定都北京。

定都北京

右副都御史吳訥乞致仕。許之。訥蘇州常熟人。為醫命。教功臣子弟。尋授監察御史。歷陞副都御史。致仕歸。著有思菴前後集。性理全書。補註小學集解。文章辨體等書。蔣貴王驥征麓川。進至金齒。分兵為二道。夾攻

上江。因風縱火。焚其營壘。斬首五萬餘級。賊敗走。保險官軍深入。破連環七砦。於沙木籠山。又破象陣於馬鞍山之陰。賊死傷者十餘萬。思任發遁走緬甸。王



驥移兵討韋郎羅。韋郎羅者，爲廣新王。維摩賊也。聞王尚書大兵且至，賊黨潰散。韋郎羅走安南。驥檄安南追賊。安南人懼，斬其首，并縛其妻子來獻。○十二月，普花可汗及也先遣使貢馬。

壬戌七年春二月，會試以禮部右侍郎兼學士王英侍讀學士苗衷充考試官。取姚夔等一百五十人。

二月廷試，賜劉儼、呂原、黃諫等進士及第。出身有差。

○麓川班師回京，論功封蔣貴定西侯，王驥靖遠伯。餘皆陞賞。○命右僉都御史王翱提督遼東軍務。翱在遼東數年，糧餉充足，器械鮮利，士馬飽騰，能戰能

守邊境始安。

夏六月，少師工部尚書吳中卒，謚榮襄。

中山東武城人，以國子生

授大寧都司經歷，靖難有功，官至尚書，封荏平伯。性貪鄙，其妻甚嚴正。一日迎詔，妻拜畢呼其子曰：將吳中一軸詔來，宣與我聽。問左右曰：此詔辭是主上自言耶？是翰林代草耶？曰：亦翰林代草耳。嘆曰：翰林先生果不虛妄。吳中一篇詔文，止說他平生爲人，何嘗有清廉二字。中間之雖悲，惟強作笑容而已。○

以禮部侍郎王直爲吏部尚書。

冬十月，太皇太后張氏崩。

太皇太后大漸，召內閣諸臣至榻前，問朝廷尚有何

大事未舉者。楊士奇對曰：其一建文君會臨御四年，當命史官修其實錄，仍用建文年號。其二方孝孺已誅，文皇帝詔收其片言隻字者，論死乞弛其禁。太后未答。士奇等叩頭趨出。○復命蔣貴王驥率師征麓川。緬甸思任發復遁去，俘其妻子而

此事都公諱纂  
載之極詳

還。癸亥八年夏四月。雷擊奉天殿。賜詔求直言。侍講  
劉球以言事下獄。錦衣衛指揮馬順至獄。斃球頸。流  
血徧體。屹立不動。○下大理寺少卿薛瑄獄。除名為  
民。初王振問於楊士奇曰。吾鄉人誰可大用者。士奇  
薦瑄。以瑄為大理少卿。瑄不詣謝。振不悅。會有指揮  
某。歿妾有色。振姪王山欲娶之。妻持不可。妾因誣告  
妻毒殺其夫。都察院鞫問。已誣服。瑄辨其冤。駁還之。  
振怒。嗾言官劾瑄。故出入人罪。繫獄論歿。瑄怡然曰。  
辨冤獲咎。歿何愧焉。至覆奏待決。大臣申救得免。放

歸田里。○追封元儒吳澄為臨川郡公。從祀孔子廟。

庭。○立皇后錢氏。中軍都督贈安昌伯錢貴之女也。○**瓦刺**順寧王

脫歡卒。子也先嗣。

秋七月。柳祭酒李時勉於國學門。初改建太學。命王  
振往視。時勉不為禮。振怒。因學宮有樹妨班列。去其  
旁枝。振指為擅伐宮樹。傳旨柳時勉諸生皆伏闕請  
有石大用者。疏請代柳。上併釋之。尋致仕去。時勉與  
南京祭酒陳敬宗齊名。時稱南陳北李。敬宗。慈谿人。以不附王振

南陳北

在任二十餘年不遷。○召巡撫陝西右都御史陳鑑掌院事。以  
王文代之。鑑。吳縣人。在陝十餘年。儲峙糧糗。選厲將士。

父黑鬚慈

凡水利屯田。悉心籌畫。曲盡其道於甘肅寧夏極邊。修築臺堡千餘。寇騎突犯。嘗先事為備。不至喪失。每還朝。陝人必遮道泣送。不忍舍。比至。懽迎數百里外。久旱。鎰至必雨。雨久必霽。人愛戴之。呼為黑鬚慈父。冬十月。徙封鄭王於懷慶。○宣德廢后胡氏薨。甲子九年春正月。新建太學成。上臨視。祇謁先聖。行釋奠禮。

三月。少師兵部尚書兼華蓋殿大學士楊士奇卒。贈太師。謚文貞。所著有沙羨稿。右臺稿。文籍志。東里集。諸書。初宣宗好微行。嘗夜幸士奇宅。士奇諫曰。陛下奈何以宗廟社稷之身。而輕出塵埃。昏暗中。萬一有識者。變起倉卒。何以備之。上曰。思見卿

一言故來耳。遂屏左右。語竟而去。後獲二盜。挾弓矢伏道旁。思作亂。遂誅之。上謂士奇曰。愛朕莫如卿。賜白金文綺。晚年子稷有罪。論於朝廷。猶溫諭慰之。卒年八十。

夏四月。以翰林院學士陳循直文淵閣。與機務。○秋

七月。兀良哈三衛寇邊。發兵二十萬討之。成國公朱

勇出喜峯口。由中路。左都督馬諒出界嶺口。由北路。

興安伯徐亨出劉家口。由南路。都督陳懷出古北口。

由西北路。踰灤河柳河。大小興州。至神樹。抵全寧。遇

福餘擊走之。次虎頭山。遇泰寧朶顏。又敗之。御史姚

鵬上其功。加朱勇太保。進封徐亨興安侯。封馬諒招

遠伯。陳懷平鄉伯。餘皆進爵有差。

乙丑十年春二月會試以翰林院學士錢習禮侍講學士馬愉充考試官取商輅等一百五十人輅浙江鄉試第

三月廷試賜商輅周弘謨劉俊等進士及第出身有

差○浙江台寧等府久旱民多疾疫上遣禮部右侍

郎兼侍講學士王英齋香帛往祀南鎮英至紹興府

大雨水深二尺祭祀之夕雨止見星明日又大雨田

野沾足人皆曰此侍郎雨也

侍郎雨

冬十月謫監察御史李儼戍遼東儼在光祿寺監收

祭物王振過之儼應對不跪遂下獄謫戍時錦衣衛卒王永為

匿各書數太監王振罪惡揭之通衢緝事者得之刑部論以造妖言罪斬

丙寅十一年春三月貶巡撫河南山西兵部侍郎于

謙為大理寺少卿仍留任謙在任十六年上章舉叅

政孫原貞王來自代忤王振意降職罷巡撫二省之

民赴闕懇留從之按水東日記于公每入京議事未嘗有土宜餽當路汴人每誦其詩

日手帕蘑菇與線香本資民用反為殃清風兩袖朝天去免得閻閻話短長以此不能媚權貴

秋七月少師禮部尚書兼武英殿大學士楊溥卒贈

太師謚文定卒年七十五菽園雜記楊文定在內閣時其子來自石首備言所過州縣官迎

送饋遺惟江陵知縣范理頗不為意溥聞而異之後廉知其賢即薦知德安府再擢貴州布政使或勸理

宜致書謝理曰宰相為朝廷用人非私於理及聞溥卒乃祭而哭之以謝知己按憲章錄洪武中罷丞相

分任六卿所置內閣大學士秩僅五品惟備顧問不與大政而陞遷屬於吏部自三楊入閣以師保尚書兼大學士其官尊於六卿中外皆稱宰相云三楊者文貞公士奇為西楊文敏公榮為東楊並因居第以稱之文貞固出江西而文定公溥郡望每書南郡因稱南楊○士奇江西泰和人榮福建建安人溥湖廣石首人

丁卯十二年春二月巡撫大同宣府都御史羅亨信上言也先專俟豐端入寇宜於直北要害增置城堡及修各衛城以備之不然恐貽大患議寢不行○起復于謙兵部右侍郎仍理部事○以都督僉事石亨為左叅將守萬全○畿內蝗遣吏部侍郎魏驥問民疾苦巡至霸州見知州張需境內大治而捕蝗有法

異之下其法於諸郡蝗因之得息尋有牧馬者擾民需笞之領牧者譖於王振逮之下獄謫戍邊衛人皆惜之

冬十月處州民葉宗留反命僉都御史張楷討之

戊辰十三年春二月會試以工部侍郎兼學士高穀侍講杜寧充考試官取岳正等一百五十人○三月廷試賜彭時陳鑑岳正等進士及第出身有差

夏四月福建沙縣民鄧茂七反僭稱閩王眾至十餘

萬命都督劉聚為總兵官陳榮為副陳詔劉德新為左右叅將討之時浙賊葉宗留猖獗征閩都督陳詔

遇之。與戰敗沒命。工部尚書石璞都督徐恭督諸軍討之。○河決滎陽東過開封城之西南經陳留自亳入渦口。又經蒙城至懷遠界入於淮。先是十二年七月。河決張秋。潰沙灣入海。尋決滎澤入淮。按河決之患自商已然。漢文帝時河決酸棗。武帝時決瓠子。決館陶。分爲屯民河。東北入海。至元成時河始決東郡。分流於博州。後又決平原。決渤海。決信都。皆東北並青冀之境。以達於海。自東漢歷魏晉隋唐及宋初。並鮮河患。宋仁宗至和間。河始決大名。神宗熙寧間始決澶州。曹林北流斷絕。河道南徙。東入於梁山。灤分爲二派。一入南清河。達於淮。一合北清河入於海。黃河入淮。自茲始矣。舊黃河在開封城北四十里。明洪武二十四年。河決原武東。經開封城北五里。又南行。至項城。經潁州。潁上縣東。至壽州。正陽鎮入於淮。而故道遂淤。至是失滎陽。過開封城之西南。而城北之新河又淤。自是汴城在河之北矣。隋唐以前。河自河淮自淮。各自入海。宋中葉以後。河合於淮。以趨海。此古今河道遷徙之大畧也。然前代河決。惟壞居民田廬。至明而并妨漕運。故治河尤爲先務云。

冬十一月。命御史朱瑛與中官分守浙閩要道。恐二賊交通也。瑛擒賊黨周明松等。戮於市。葉宗留遁去。

己巳十四年春正月。閩賊圍延平汀州。朝命寧陽侯陳懋充掛印總兵官。率保定伯梁瑤平江伯陳豫都督范雄董興大發兵討之。復命刑部尚書金濂參贊軍務。大監曹吉祥監軍。○賊寇建寧。掌府事左叅政張瑛戰沒。

二月。賊攻延平。都督總兵官劉聚禦之。鄧茂七中流矢歿。賊黨推茂七兒子伯孫爲主。○瓦剌也先寇大

同時也。先遣使二千餘人進馬。報三千人。王振怒其詐。減去馬價。使者還報。遂失和好。○貴州苗反。命兵部侍郎侯璉都督方瑛率兵討之。○進巡撫南直隸。周忱為戶部尚書仍留任。

三月擢監察御史韓雍為右僉都御史巡撫江西。雍

縣人。凡所經畫。悉愜輿情。其後江西官民皆遵守之。號為韓都例。○浙江僉事陶成

謁都督徐恭尚書石璞言師老財費賊乘間出沒請

招諭之。乃從僕隸四五人徑抵賊巢。諭以禍福。賊首

葉宗留陳諫胡出降。惟陶得二引餘黨遁去。

夏四月王驥擒叛苗蟲富檻送京師伏誅。尋召驥還。

○五月湖廣苗反。命右都御史王來保定伯梁瑤率師討之。

六月丙辰夜。南京宮殿悉燬。詔赦天下。按大順日記云。自王振專

權。災異迭見。振諱言之。時浙江紹興山移於平地。陝西山移。有聲呼三日。移數里。王振起新宅於內府乾

方。一火而盡。南京宮殿焚明日。○前少保大學士致

殿基生荆棘。一夜高二尺許。任黃淮卒。謚文簡。

秋七月。熒惑入南斗。○瓦剌也先大舉入寇。邊塞城

堡多陷沒。王振不與大臣議。勸上親征。百官伏闕上

章懇留。不聽。是月十七日。駕行。太監金英輔郕王居

守。英國公張輔。成國公朱勇。及列侯諸將率師以從。

熒惑入南斗

山移有聲呼三日

征

共五十餘萬人。出居庸關至宣府。連日風雨。邊將并原等敗報踵至。扈從文臣連上章留駕。王振大怒。皆令掠陣。至大同。振進兵益急。惟欽天監正彭德清斥振曰。象緯示警。不可復前。若有疎虞。陷乘輿於草莽。誰執其咎。學士曹鼐曰。臣子固不足惜。主上繫天下安危。豈可輕進。振怒詈之。且曰。倘有此。亦天命也。會前軍駙馬都尉井原西寧侯宋瑛。武進伯朱冕。全軍覆沒。鎮守大同中官郭敬密言於振。謂事勢決不可行。振始有還意。明日班師。大同副總兵郭登謂駕宜從紫荆關入。庶保無虞。振不聽。○八月師過雞鳴山。

瓦剌兵追至。成國公朱勇率五萬人禦之。被殺殆盡。兵部尚書鄺埜請車駕疾驅入關。而嚴兵爲殿。振怒曰。豎儒安知兵事。是月十四日。駕至土木。日未晡。去懷來城二十里。衆欲入保懷來。王振輜重千餘輛在後。留待之也。先四面合圍。大營不敢動。十五日。將午。人馬渴極。掘井二丈無水也。先僞遣使持書來請和。上召曹鼐草勅答之。遣通事與來使偕往。王振傳令急移營南行。旣行。未三四里。追兵四至。官軍相蹈藉。歿者蔽野塞川。近侍虎賁矢被體如蝟毛。上乘馬突圍不得出。遂擁以去。英國公張輔。尚書鄺埜。王佐。學



士曹彙侍郎丁鉉副都御史鄧棨等文武官員死者數百人。騾馬二十餘萬疋。及衣甲器械盡為也。先所得上居知院伯顏帖木兒營。

按王師敗於土木死者凡數十萬人。上乃下馬

盤膝面南坐。一人來索衣甲不與。將為逆。又一人來曰此非凡人。掖以見賽刑王。上問曰子其也先乎。伯

顏帖木兒乎。賽刑王曰。上問曰。子其也先乎。伯驚馳見也先。曰。部下獲一人。甚異。獨非大明天子乎。

也。先遣曾使中國。人往驗曰。是也。也。先曰。我嘗祝天求大元。統今乃落我手。問衆何以為計。衆中有

乃公者。大言曰。天以賜我。不如殺之。伯顏帖木兒大怒。呼也先為那顏。那顏者。猶華言大人也。安用此人

在旁開口唾其面曰。去。大明天子。雲端裏坐。不知天上何故推下之。萬衆死亡之中。鏃矢不沾。寸兵不染。

吾知天意之有在也。且我等嘗受其賜。九龍鱗龍猶在。安得害之。當報中國遣使來迎。豈不萬世美名。衆皆曰者者。然辭也。於是送上居伯

顏帖木兒營。伯顏也。先之弟也。報至京師。皇太后遣使齎黃金珠玉袞龍段匹等物。駝以八馬詣也先

營。請還車駕。十八日皇太后召集百官。命郕王權總

萬幾。○命立皇長子見濙為皇太子。年二歲。仍命郕

王為輔。攝國政。○給事中王竑等毆殺錦衣衛指揮

馬順於朝。順王振黨也。○太監金英傳令旨。族誅王振籍

其家。振居室凡數處。玉盤徑尺者十面。珊瑚樹高六

七尺。金銀十餘庫。鬻其姪。錦衣衛指揮王山於市。族

屬無少長。皆斬之。○太后命于謙為兵部尚書。○瓦

剌兵擁上至。大同索金幣約賂。至即歸駕。都督郭登

閉門不納。上傳旨曰。朕與登有姻婭。何外朕若是。登

閉門不納。上傳旨曰。朕與登有姻婭。何外朕若是。登

閉門不納。上傳旨曰。朕與登有姻婭。何外朕若是。登

遣人傳奏曰臣奉命守城不敢擅自啓閉廣寧伯劉安等出城獻金迎駕卽獻請如約也先笑而不應仍擁上去○擢山西右布政使朱鑑爲副都御史巡撫其地鑑上言竊見王振濁亂天下震驚神器江南寇發皆以誅振爲名夫事歸朝廷則治歸宦官則亂昔太祖與羣臣議事必屏去左右恐泄事機伏望念祖宗開創之勞將相經營之苦選智勇託忠義開直諫之路杜權倖之門凡軍國重事委任大臣必當有濟苟或仍用內侍竊持國柄外寇不至內變必生欲以雪耻復讐臣未見其可太后嘉納之

皇太后傳旨命郕王正大位以安國家於是羣臣勸

進○命翰林院修撰商輅彭時入內閣辦事○廣州

盜黃蕭養圍廣州殺都指揮王清蕭養南海冲鶴堡人貌極陋一目

竹林生葉

而多智數坐疆盜繫郡獄踰年所以竹林皮忽青色漸生竹葉以爲祥瑞使人藏利斧於飯桶中破脚錄越獄而出凡十九人其黨艤舟以待遂入海旬日間聚衆至萬餘人圍郡城制雲梯以呂公車衝城幾爲所破謫誘愚民從者十餘萬王清自高州引兵赴援至沙角尾舟膠淺水有小艇載柴及鹽魚者奔逆若避賊狀官軍問黃蕭養所在言未畢伏兵出柴中擒清盡殲其軍擁清至城下使諭衆開門降清罵賊而

遂僭號東陽王

九月初六日癸未郕王卽皇帝位遙尊上爲太上皇帝大赦天下改明年爲景泰元年○于謙請召募義

民壯

滕 擯 至

勇製造攻戰器具徙郭外居民於城內通州倉糧令在伍人員悉詣關支毋自資敵上皆從之○令各處

招募民壯就令本地官司率領操練遇警調用民壯之名

始○以陳循為戶部尚書高穀為工部尚書○命武

清伯石亨總京師兵馬亨有威望方面鉅軀鬚垂至滕驍勇善戰先守萬全坐不

救出使立功贖罪

冬十月也先以送上皇為名與其可汗脫脫不花入

寇紫荆關京師戒嚴侍講徐瑄言天象紫微中宮皆

有變宜及時南遷廷臣多以為然于謙厲聲曰言遷

者可斬也夫京師天下之本宗廟社稷陵寢在焉百

官萬姓帑藏儲畜在焉一動足大勢去矣寇乘勝驕

無足畏奈何欲蹈靖康覆轍上是謙言議始息於是

于謙分遣五城兵馬司悉燒城外倉場草束料豆數

百萬計或言當請於上謙曰寇在目前若少緩俟命

下適以資寇使藉此持久坐困我非計也○也先至

京城北關外焚長陵獻陵景陵連日攻城四散抄掠

石亨欲歛兵以避其鋒謙不可曰賊氣張矣我奈何

示弱遂軍德勝門外值宣府遼東援兵至亨與其從

子彪大呼突陣所向披靡神機營都督范廣繼以飛

鎗火箭殺傷甚眾也先復擁上皇北去○改戶部尚

書周忱爲工部尚書。仍巡撫南直隸。忱運糧數百萬石。承造軍器數十萬件。輪次發送京師。○京城解嚴。封楊洪昌平侯。進封石亨武清侯。加于謙少保。總督軍務。其餘陞賞有差。楊洪起行伍。善機變。三楊皆愛重之。瓦刺諸部呼爲楊王。○時有議留邊將守京師者。兵科給事中葉盛上言。今日之事。邊關爲急。徃者馬營獨石不棄。則六師何以陷土木。紫荆白羊不破。則敵將何以薄都城。卽此而觀。邊關不固。則京城雖守。不過僅保九門而已。其如陵寢郊壇何。其如圻甸生靈何。宜急遣固守宣府。居庸從之。

入閩悉平

十一月。寧陽侯陳懋尚書金濂等討閩寇。進兵沙縣。執鄧伯孫誅之。解汀漳之圍。入閩悉平。○命都督董興總諸道兵。討廣東賊黃蕭養。以兵部侍郎孟驥贊理軍務。僉都御史楊信民巡撫廣東。○上皇北至小黃河。蘇武廟老營。伯顏設帳。進膳上壽。

十二月。尊皇太后孫氏爲上聖皇太后。尊生母吳氏爲皇太后。立妃汪氏爲皇后。○追封英國公張輔爲定興王。謚忠烈。○改刑部尚書金濂爲戶部尚書。加

太子太保

濂。淮安人。自永樂以來。廉潔著名。後卒。以軍功。追封沭陽伯。謚榮襄。

○命尚

書石璞鎮守宣府。都御史沈固鎮守大同。僉都御史

王竑鎮守居庸城昌平

景皇帝諱祁鈺宣宗第二子初封郕王正統十四年英宗北去郕王奉太后命即皇帝位

在位七年崩葬金山初謚曰戾成化十一年謚曰恭仁康定景皇帝

庚午景泰元年春正月朔上受朝免賀○上皇書至

索大臣來迎命公卿集議廷臣因奏遣官使北上曰

有能識太上皇帝者行羣臣俱謝罪事遂寢○開經

筵命太保寧陽侯陳懋知經筵事○都督汪全恃戚

晚勢縱家人奪民田御史朱瑛劾奏之詔責全歸其

田於民○瓦剌兵入朔州大同守將郭登以八百騎

薄其營斬首二百餘級追奔四十里奪回人口牛馬

軍器以萬計捷聞賜勅褒美封登定襄伯

二月上以邊圉多事令天下生員納粟上馬者許入

監其上選事例與歲貢同○贈前侍講劉球為學士

謚忠愍按球二子長曰鈺次曰鈺以父歿非命家居養母絕意仕進及王振馬順成球被褒郵刑

部侍郎湯寧巡撫江西召二子慰勉之曰先公忠義顯白子可以出而仕矣乃應舉鈺即秋鄉試第一

既而兄弟並登進士鈺仕至左叅政鈺選庶吉士改御史仕至雲南按察司

復四月誅喜寧初喜寧數教也先擾邊且不欲送上

皇還上皇嘗謂袁彬曰不誅寧還京未有期也寧又

忌袁彬誘彬出營將殺之上皇急救乃免及是上皇

遣寧入京令軍士高磐與俱密書繫磐髀間令至宣

府與總兵等官計擒之。既至宣府，叅將楊俊出領書，  
馨抱寧大呼，俊縛送京師，誅之也。先失其嚮道，於是  
亦厭其矣。○都督董興等大破廣州賊，擒黃蕭養，誅  
之餘黨悉平。封興爲海寧伯。○命保定伯梁寶、右都  
御史王來、都督方瑛、陳友等征勦湖廣、貴州等處苗  
寇。先是永樂間，邊塞來降者多，安置於河間、東昌諸  
郡。方也先入寇之際，皆慮其乘機騷動，至是發兵征  
湖廣、貴州及廣東、廣西寇盜。于謙請籍其有名號者，  
厚與賞犒，隨軍征進。事平，遂奏留于彼。於是數十年  
積患一旦潛消。○大同叅將許貢言也先請和，下兵

部議。尚書于謙議曰：曩遣都指揮季譯、指揮岳謙往  
使，財賂方入穹廬，而敵騎已至關口。繼遣少卿王榮  
通政王復往，不得定約而還。今日之事，理與勢皆不  
可和。何者？中國與也先有不共戴天之讐，和則背君  
父而違大義。此理不可和也。也先貪而多詐，萬一和  
議成，則彼有無厭之求，非分之請，從之則不可，違之  
則速變。此勢不可和也。若能大修武備，相機戰守，使  
彼欲不得逞，上皇自必還矣。因移文詰責貴。

湯斌曰：已巳之變，社稷危而復安，實于謙之功也。  
當也先擁上皇諭下大同守者，登陴謝曰：賴天地  
宗廟之靈，國有君矣。嗚呼！彼方挾上皇爲奇貨，多  
方以脇我，而我漠然應之，示留之無益，於是彼之

氣屈而我奉迎之說得行謙之謀誠偉矣不然和議一行大勢在彼將帥為所牽制國威不可復振鑿與不可復旋其不至為南宋也幾希

五月處州賊陶得二寇武義縣浙江按察司副使陶成戰沒。成廣西鬱林州人舉鄉試授交趾典史有為有守累薦至副使○兵部尚書于謙奏立京營團操法揀選馬步官軍一十五萬分為十營各營以都督一員總領每五千人以都指揮一員領之指揮把總分管有差常令在營操練體統相維兵將相識出征就令原管都督統領前去號令歸一行伍不亂自後團營之法皆遵守焉

六月也先遣其叅政完者脫欽齊文赴京請和命禮

部左侍郎李實大理寺右少卿羅綺往報之

秋七月李實等至也先營也先曰勅書內止諒講和

不說接駕汝歸奏知務要太監及大臣來迎因遣其

右丞把秃同李實等赴京調回擾邊人馬○時秃脫

不花普化可汗也先之主也亦遣其平章皮兒馬黑麻來

議和命右都御史楊善侍郎趙榮往報

八月楊善至也先營也先見善色甚喜平章昂克問

有何禮物來迎皇帝善曰太師仁義敬我君父故送

還豈為財物也先曰都御史言是昂克言不合理問

皇帝回去如何善曰天位已定斷難更改也先曰堯

中國好禮數

舜當日如何善曰堯讓位於舜皇帝今日讓位於弟其事一也次日善見上皇於伯顏帖木兒營也先宰馬設宴請上皇至其營餞行也先自彈琵琶妻妾奉酒善等亦侍飲也先曰都御史坐上皇亦命坐善曰雖在草野不敢失君臣禮也先顧謂左右曰中國好禮數伯顏亦餞上皇及宴使臣是月初八日上皇駕起也先率眾頭目羅拜而別伯顏送至野狐嶺慟哭良久始別去仍命其部將率五百騎護送至京既入塞禮部議迎復儀注未定上皇先遣使詔諭避位免百官出迎是月十六日始迎於安定門上皇自東安

門入上迎拜上皇答拜相持而哭各述授受之意推遜良久乃送上皇居南宮羣臣隨至宮請朝見勅諭曰朕以眇躬辱國喪師有玷宗廟何顏見羣臣所請不允○大赦天下宴瓦剌使人賞賚有差

璘按永樂六年封馬哈木為順寧王然猶叛服不常其子脫歡襲爵攻滅阿魯台克復世讐國富力疆雄於諸部宣宗朝恪共職貢優詔褒答也先嗣之不失和好英宗即位寵信王振振欲啓邊釁以徵軍功先發兵二十萬討兀良哈及也先遣使進馬振故責其人薄其賞且殺其使以挑之致瓦剌入寇大同振遂誘上親征擅威復諫卒致土木之變是時英宗年已二十三而王振手提之若傀儡然誠可歎也幸也先伯顏尚存厚道使遇劉聰必為懷愍遇金主晟必為徽欽矣也先語李實曰我前所遣使人皆見殺不還皇帝在此我令伯顏帖木兒蚤晚恭敬倘中國捉住我肯留至今日乎是



賦  
下誅此  
吾為天

時楊善未奉迎復之旨而也先欣然送歸其初之  
復擁上皇去者喜寧教之耳然則五十餘萬官軍  
暴屍沙漠非也先殺之王振殺之也亦非王振殺  
之英宗殺之也南城復辟所痛悼者惟一王振追  
復原官刻像諭葬祀於智化寺賜額曰旌忠可謂  
死而無悔矣又按王師潰於土木時危及乘輿有  
護衛將軍樊忠從上旁以所持鉞捶殺王振曰吾  
為天下誅此賊遂躍馬突圍殺數十人而死嗚呼  
其事可與鄭虎臣殺賈似道王著殺阿合馬並傳也

巡撫宣府大同都御史羅亨信乞致仕不許至是人

京陛見辭益力免冠叩首上見其着兜鍪處顛髮皆

盡乃許之歸八年卒

冬十月以王驥為南京兵部尚書總督機務宣府總

兵官朱謙有軍功封撫寧伯○十二月禮部尚書胡

濙請明年正旦百官朝上皇於延安門荆憲王請朝

上皇皆不許

辛未二年春二月命右僉都御史王竑巡撫江淮諸

郡時淮徐大饑死者相枕藉山東河南流民踵至竑

不待奏報大發倉儲賑之近者日餉以粥遠者給米

被鬻者贖歸其家擇醫四十人空庾六十區處流民

之病者死則給以棺為叢塚葬之窮晝夜竭精慮事

事窮理有所委任出於至誠人人為盡力共用米一

百六十餘萬石全活數百萬人人述其行事為救荒

錄世傳焉先是淮徐大饑上聞疏驚曰奈何後得竑

理事窮

救荒錄

奏大言曰。好御史不然。饑死我百姓矣。○上諭。午朝令翰林院官先奏事。○會試。以吏部侍郎兼學士江淵修撰林文克考試官。取吳滙等三百人。

三月。廷試。賜柯潛劉昇王與等進士及第。出身有差。

秋七月。詔擇顏子孟子後裔一人。並授翰林院世襲

五經博士。○吏部文選司郎中李賢上正本十策曰。

勤聖學。顧箴警戒嗜慾。絕玩好。慎舉措。崇節儉。畏天

變。勉貴近。振士風。結民心。奏入。命翰林院繕寫。置諸

左右。○浙閩盜平。兵部尚書孫原貞奏立浙省宣平

雲和景寧泰順四縣。宣雲景屬處州府。閩省永安壽

策正本十

寧二縣。永安屬延平府。○巡撫南直隸工部尚書周

忱致仕。忱在任二十二年。乞致仕。後二年卒。謚文襄。

救荒之策。饑民枕藉於道。且死猶日。安得周尚書復生。以活我乎。

冬十月。以吏部文選司郎中李賢為兵部右侍郎。

壬申三年春二月。瓦剌也先遣使來通好。詔絕之。令

廷臣共議備邊之策。兵部侍郎李賢奏用武剛車。可

以禦敵。車製長一丈五尺。高六尺五寸。四圍箱板。內

火鎗。敵若近前。火炮齊發。奇兵繼出。弗能當也。駐營

則每車前後占地五步。若用車一千輛。一面二百五

十輛。約長四里。欲行則行。欲止則止。謂之有脚之城。

鎮守總兵叅將指揮等官將附近城堡膏腴田地占作莊田。軍士無近便田地可耕。夫且耕且守。如漢趙充國諸葛亮晉羊祜皆已行之明效。今日守邊之要。莫善於此。若舍屯種之外。而欲邊城充實。雖傾府庫之財。竭生民之力。奈軍士數多。時久亦難繼矣。夏四月。于謙薦都督同知孫安鎮守獨石馬營等處。以都給事中葉盛為山西右叅政。仍贊軍務。盛與安修復獨石等八城。戍卒不任戰者。給牛種墾田。邊人賴之。

五月。詔立皇子。見濟為皇太子。立妃杭氏為皇后。太子

與獻陵之對相似

生廢皇后汪氏居別宮。改封皇太子見淡為沂王。上長子。次子見清為榮王。見淳為許王。初上欲易儲。語太監金英曰。七月初二日。東宮生日也。英曰。東宮生日。是十一月初二日。上默然。蓋上所言者。謂皇子見濟。英所言者。謂上皇長子也。與魏徵獻陵之對相似。秋九月。南京兵部尚書王驥致仕。○冬十月。命太子太保左都御史王文入閣。叅預機務。癸酉。四年春二月。以王翔為吏部尚書。翔抑奔競。杜請託。時稱得人。○秋七月。瓦剌也先弒其主脫脫不花。并其部落。遣使入貢。○戶部侍郎張睿。國子祭酒。

劉鉉並母喪奪情吏科都給事中林璉抗言侍郎六卿之亞祭酒師儒之宗忠孝大節所關請令遵制終喪大臣身係安危不得已奪情起復亦一時權宜非經世之大典若一槩奪情遂成故事子道既虧臣節難保且時無金革請循舊章○八月增定直省鄉試取士額數累朝以來漸增取士額順天應天各一百名浙江福建各六十名江西六十五名河南廣東各五十名湖廣五十五名山東四川各四十五名陝西山西各四十名廣西三十名雲南二十名正統三年景泰元年開科不拘額數至是以天下人才彌盛始加增定順天應天各增三十五名浙江江西福建河南湖廣山東各增三十名廣東四川陝西山西廣西各增二十五名雲南增十名○改各處鎮守侍郎為巡撫都御史以侍郎與巡按御史

不相統屬也○命太監阮安往治張秋決河卒於道安交陞人為入清苦廉介善謀畫尤長於工作之事其營繕北京城池九門兩宮三殿五府六部諸司公署及治塞垣郵驛皆大著功績工曹受成而已平生賜予悉上之官不留一毫蓋中官之不易得者耳

九月左都御史陳鎰致仕  
冬十月以左諭德徐有貞為右僉都御史治張秋決河有貞先名瑄以倡南遷之議為太監金英所叱陳循敘之更名無使內臣知之庶朝廷忘其議而薦可允也至是議舉能治水者廷臣以有貞名上○召總督兩廣軍務左都御史王翺為吏部尚書起馬昂代之

十一月皇太子見濟卒○瓦剌諸部並遣使貢馬  
甲戌五年春正月積雪恒陰詔求直言○二月會試

明紀 卷五  
以兵部左侍郎兼學士商輅洗馬李紹充考試官取彭華等三百五十人

三月廷試賜孫賢徐溥徐轄等進士及第出身有差夏四月南京大理寺少卿廖莊應詔陳言曰臣見上皇卽位之初遣太師英國公張輔吏部尚書郭璡冊封皇上奄有大國每遇正旦冬至令節令羣臣見皇上於東廡兄弟友愛如此今幸上皇迎歸伏乞篤親親之恩於萬幾之暇朝上皇於南宮或講明家法或商酌治道仍令羣臣時得朝見以慰上皇之心如此則孝弟刑於國家恩義通於神明災可弭而祥可召

矣。然所係之重又不特此。太子者天下之本。上皇之子。皇上之猶子也。宜令親近儒臣誦讀經書以待皇嗣之生。使天下臣民曉然知皇上有公天下之心。蓋天下者太祖太宗之天下。仁宗宣宗所繼體守成者也。今皇上撫而有之。必思所以繫屬天下之心矣。近年日食星變地震山崩水溢災異迭見非止霜雪不時而已。臣以爲弭災召祥之道莫過於此。疏入。不報。

五月禮部郎中章綸陳修德弭災十四事。其一請皇上率羣臣朝見上皇於南宮。以敦同氣之情。復汪皇

后於中宮。以正天下之母儀。復沂王於儲宮。以定天下之大本。如此則和氣可至。天意可回。災沴可消矣。上覽疏。大怒。中夜傳旨。命錦衣衛待訊。時監察御史鍾同。上言。父有天下。固當傳之於子。然太子薨逝。則知天命有在。茲皇儲未建。國本無依。臣竊以為上皇之子。即陛下之子。沂王天資厚重。誠可為宗廟社稷託。伏望擴天地之量。敦友于之仁。擇日行禮。復其儲位。用延祖宗無疆之休。上覽疏。不懌。數日。並綸下獄。

○召大理寺卿薛瑄於南京。太監金英奉使道經應天。公卿皆餞於江上。瑄獨不往。英賢之。至京。言於朝。

日。南京好官。惟薛卿耳。尋被召命。○勅儒臣纂修元史書。倣朱文公凡例。上接資治通鑑。共為一書。

乙亥。六年春。總督兩廣都御史馬昂征廣東瀧水徭賊。破之。

夏六月。以宋儒朱熹裔孫朱禔。為翰林院世襲五經博士。

秋八月。杖南京大理寺少卿廖莊前郎中章綸。御史鍾同於午門。莊以母喪。至京。關給勘合。陛見。命錦衣衛拏在午門前。着實杖八十。謫陝西定羌驛驛丞。并提章綸。鍾同各杖一百。同死杖下。綸仍錮獄。

丙子七年夏五月。于謙以病在告。上遣大監興安舒良視之。謙持身嚴。一毫不苟取。正室董氏卒。謙時年未五十。不再娶。以王事多艱。窮年不還私第。居止朝房。留一養子自侍。食無重味。非公宴。不置酒。至是以病告。興安舒良奉旨。更番來視。見謙自奉過儉。相與歎息。因以聞。上計所資用。一切爲之置辦。輟尚膳醢醬蔬菜以賜。駕幸萬歲山。伐竹爲瀝。以和藥丸。言官有言謙柄用過重者。興安言。只說日夜與國家分憂。不要錢。不愛官爵。不問家計。朝廷正要用此等人。可尋一個來換于謙。衆皆默然。先是也。先既屢犯京師。脫脫不花寇遼東。不樂

出寇陝西。浙江葉宗留。福建鄧茂七。廣東黃蕭養。各擁衆僭號。南蠻西番。各乘間蠢動。命將出師。事在俄頃。謙內因京城外籌邊鎮。條畫悉中機宜。條吏受成相顧駭服。雖宿將勲臣。小不中程律。即請旨詰責。片紙行萬里外。無不惴惴効力。上推誠倚任。而口不言功。溪自歛飭。上賞賜第闕。西謙曰。國家多難。何以家爲。取前後所賜璽書袍鏡冠帶弓劍。○順天河間二

府民饑。命刑部右侍郎周瑄往賑之。瑄奏乞裁省冗官。停徵糧草。免追舊欠。馬騾牛羊。暫罷供應。柴炭夫役。聽民採取。皇莊湖泊之利。招商中納。鹽糧損其斗數。借水次官倉之粟濟民。七事。上皆從之。

以宋儒周敦頤裔孫冕爲翰林院世襲博士。秋八月。順天鄉試。以右春坊大學士劉儼侍講學士。

呂原充考試官內閣陳循子陳瑛內閣王文子王倫俱不中式循等論奏閱卷不公且摘策題中有無正統等語以激怒上請如洪武間劉三吾等例重開科考試上令翰林院覆閱取中試卷高穀懼儼等禍且不測蚤朝奏事畢出班跪稱少保臣高穀有事聞上召至前穀白其情且曰大臣子與寒士並進已不可况又不安於命欲構考官可乎由是儼等俱釋而特旨賜陳瑛王倫為舉人許赴會試禮科給事中張寧劾奏陳循王文私其子失大臣體不當居內閣乞罷黜不報

丁丑天順元年春正月十七日壬午上皇復位詔改

景泰八年為天順元年大赦天下

八年正月景帝不豫儲嗣未定內閣

王文與內監王誠謀欲取襄王世子立為東宮其事漸洩景帝疾甚太監典安諷羣臣請復立舊東宮眾曰上皇子固宜復立王文曰安知朝廷之意在誰李賢因會議問學士蕭鎡鎡曰既退矣不可再也羣臣乃請早擇元良以安人心奏上有旨不允且云待是月十七日視朝惟武清侯石亨知上疾必不起乃與都督張軏張軏左都御史楊善右副都御史徐有貞太監曹吉祥蔣冕謀迎上皇復位遂揚言敵騎且薄都城又言王文于謙取金牌勅符迎襄王世子去矣吉祥入白太后太后有旨皇帝疾大漸殆弗與天位最重上皇居南內於今年聖德無虧天意有在以奸臣擅謀闕而不聞欲迎立藩王以承大統將不利於國家亨等其率兵以迎吉祥即收諸門鑰夜四鼓開長安門軏軏亨有貞等納兵近千入宿衛官軍驚愕不知所為有出入者兵即呵止之時天色晦冥軏等惶惑問有貞曰事當濟否有貞大言曰時至矣遂



薄南宮城毀垣壞門而入。上皇出問曰：爾等何為？亨等俯伏奏請陛下登位。遂共掖升輿，有貞等前導。忽天色開朗，上皇顧問卿等為誰，各以姓名對。遂御奉天殿，先是文武羣臣期以是日並入候景帝出視朝，奏事忽聞傳呼震地，羣臣失色。須臾鐘鼓鳴，上皇即位矣。羣臣入賀。○逮少保于謙王

文都督范廣太監王誠舒良王勤張永等下獄。以石亨徐有貞言其迎立外藩也。○命徐有貞以本官兼

翰林院學士直文淵閣典機務。次日陞兵部尚書兼職如故。○逮內閣學士陳循蕭鎡商輅尚書俞士悅

江淵侍郎項文曜王偉古鏞丁澄沈敬等下獄。○出前禮部郎中章綸於獄擢為禮部右侍郎。○擢太常

寺卿許彬為禮部左侍郎大理寺卿薛瑄兼翰林院

學士入內閣辦事。○論迎復功封武清侯石亨為忠

國公都督張軌為太平侯張輓為文安伯。軌輓英國公張輔之

弟輓尋更名賜楊善為興濟伯並世襲。○論隨駕功擢鎮撫

哈銘百戶袁彬為錦衣衛指揮僉事。○是月二十二日斬于謙王文范廣及太監王誠等於市。陳循江淵

俞士悅項文曜免死充軍。蕭鎡商輅王偉原籍為民。時都御史蕭維禎所構獄辭皆承石亨徐有貞風旨

謂于謙王文等欲背主立外藩依謀反者律凌遲處死。陳循項文曜等知于謙等謀反依故縱者律斬。上

得奏猶豫良久曰于謙有功眾未及對徐有貞直前

曰不殺于謙今日之事為無名上意乃決於是殺謙  
等籍其家○奪郭登定襄伯以為南京都督僉事也  
先擁上至大同登不肯納故也

少保高穀吏部尚書王直禮部尚書胡濙並致仕

田杜門不接賓客有問及正統景泰天順間事者輒  
不應官至台鼎家業蕭然敝廬瘠田僅足衣食其剛  
方廉介有古大臣之風○直氣宇宏偉性嚴重寡言  
笑居家儼然及接人和氣可掬既秉銓衡留意人才  
絕于請抑奔競居第隘澹然自得于櫛為翰林院  
檢討○濙平易寬和廉靜寡欲與居有常未嘗疾言  
遽色人皆知其為長者致仕去遣  
子長寧入謝授錦衣衛世百戶

二月朔詔廢景帝仍為郕王歸西內皇太后吳氏仍

為宣廟賢妃廢后汪氏仍為郕王妃革景泰年號郕

王薨葬祭如親王禮謚曰戾妃嬪唐氏等賜紅帛自

盡以殉葬是月初九日王薨

璘按鄭王山攝政而嗣統上承太后之命下慰臣  
民之心國有長君社稷是賴其誰曰不宜夫何即  
位之後幽上皇廢太子以視也先伯顏早晚恭敬  
洒泣送別者迥異於是廖莊遠謫鍾同夙杖下章  
綸錮獄抑何忍也然原其意不過欲保天位以傳  
子孫耳至給事中徐正密請增高南城伐樹灌鎖  
以備非常則怒而遣戍之英憲二廟卒得保  
全其歸西內而善終復帝號而入廟有以也

贈故御史鍾同大理寺丞官其子啓為知縣召前南

京大理寺卿謫陝西驛丞廖莊還復其官奉陞南京禮部侍郎

出左都御史蕭維禎於南京召南京副都御史軒

輓為刑部尚書巡撫陝西副都御史耿九疇為右都

御史掌院事。二人皆廉介苦節之士。操履素定。天下信之。故復位之初。首召用焉。輒。河南鹿邑人。初登進士。差往淮上。催糧。冬寒。

舟行。忽墮水。救出。衣盡濕。持一棉被。自裹。有司為送衣。一襲。却之。及為監。茶御史。陞浙江按察使。奉資之。外。一毫不取。四時着。一青布袍。破則補之。蔬食不厭。與同僚約。三日。以米易肉。一斤。眾不能堪。聞親喪。次日。遂行。僚屬有未及知者。○九疇。河南盧氏人。初為兩淮鹽運使。廉名大著。嘗坐木旁。一童子曰。木之清。不如使吾之清。

是月會試。以內閣學士薛瑄。通政司叅議兼侍講呂原。充考試官。取夏績等三百人。○三月廷試。賜黎淳。

徐瓊。陳秉中等。進士及第。出身有差。○封徐有貞。武功伯。兼華蓋殿大學士。○械前給事中。謫戍鐵嶺衛。

徐正。至京。磔於市。正在景泰中。嘗因離間。被謫。械至京。引見時。辱甚。糞溺皆青。人謂其驚破。

○逮巡撫大同副都御史年富。下獄。時富為石亨姪。叅將石彪所誣。逮至京。上問李賢曰。此人何如。賢對曰。行事公道。能革宿弊。上曰。此必石彪憚富不

得。遂其私耳。遣官體勘。無實狀。富遂致仕歸。○吏部尚書王翱。以年老乞致仕。李賢言於上曰。翱廉謹老

成。雖老。精力未衰。吏部非此人不可。乃留之。翱自此眷遇加隆。官其子竈為錦衣衛千戶。○命景泰汪妃

出居舊王府。先是。邴王薨。上欲令汪妃殉葬。李賢奏

曰。汪妃雖立為后。即遭幽廢。幸與兩女度日。若令隨

月。已昇。明英宗紀

去情所不堪。况幼女無依，尤可憐憫。上惻然曰：卿言是朕以弟婦年少，不宜存內。初不計其母子之命也。

按汪妃中兵馬指揮英之女也。甚賢。景泰欲易儲，妃堅執以為不可，遂遭廢。憲宗在東宮，意極感之，所以禮之甚恭。妃與皇太后及錢皇后尤相得，既而上以妃居宮中，不便乃遷之外王府。東宮護持，令罄其宮中所有，悉得自隨。至正德元年薨，合葬金山。二年謚曰貞惠安和景皇后。

夏四月，復立元子為皇太子。○**襄王**瞻墀來朝。先是

土木之變，王兩上疏慰安皇太后，乞命皇太子居攝

天位，急發府庫募勇敢之士務圖迎復，仍乞訓諭。（邨

王盡心輔政，章上時。景泰已立八日矣。至是上得疏

於宮中，覽之感歎，手勅取王入朝，禮待甚隆。上問王

所過官吏賢否，時按察使王槩以被誣下獄，王避席

對曰：臣過汴，汴父老遮道為臣言王廉使冤，乞奏上

還我王廉使。如是者不絕，願裁察。上立命雪槩，王辭

歸。上送至午門，王伏地不起。上曰：叔父欲何言？王頓

首曰：萬方望治如饑渴，願皇上省刑薄斂，為天下自

愛。上拱手謝曰：敬受教。

黃喻曰：天順初，王文于謙以迎立襄王世子被誅，及襄王來朝，上禮待甚隆，其後世子祁鏞得嗣王位，始終親睦，則無迎立世子之謀可知矣。

五月，都御史耿九疇羅綺，內閣徐有貞、李賢皆下獄。

是時石亨、曹吉祥恃功恣橫，御史楊瑄劾奏之，亨疑

有貞與賢主使遂與吉祥泣訴上前。上怒。盡收十三道御史。亨又謂都御史諷使爲此。并收九疇及綺。又下有貞賢於獄。是日晚。雷電大作。雨雹如注。大風拔木。吉祥之門。老樹皆折。亨宅水深數尺。京師震恐。翼日。卽赦出有貞等。降有貞賢。參政九疇。布政使綺。亦參政。御史盛顥等。調知縣。御史楊瑄。張鵬。謫戍遼東。鐵嶺衛。○內閣學士薛瑄致仕。瑄見曹石忿橫。日甚。歎曰。君子見幾而作。豈俟終日。遂引疾歸。六月上。欲命修撰岳正入閣典機務。王翱亦薦之。石亨張軌阻之。曰。陛下欲用正。亦甚易。但姑試之。果稱職。未晚也。

上默然。

秋七月六日。承天門災。詔赦天下。○復下徐有貞獄。

發金齒爲民。○降修撰岳正爲欽州同知。正數爲上

言。石亨曹吉祥勢大。恐爲變。上曰。汝可以朕意告之。

正詣亨。諷令稍自斂戢。亨造飛語誣正。謗訕朝廷。內

批降遠州。○進李賢吏部尚書兼學士入內閣辦事。

○復逮岳正。謫戍肅州。上嘗謂左右曰。岳正好。只是大瞻。時正已謫戍。上輒思之。

正因自題畫像云。岳正好。只是大瞻。惟帝念哉。必當有感。如或赦汝。再敢不敢。臣嘗聞古人之言。蓋將之

死而靡悔也。

九月。勅左順門閹者。今後非有宣召。總兵等官。不許

擅進時石亨輩每日進見上頗厭之

冬十月遣行人曹隆齎勅書禮幣聘江西處士吳與

弼與弼至京召人文華殿從容顧問授為左諭德以

老疾固辭上曰宮僚優閒不必辭命大監牛玉送

至館賜文綺羊酒柴米上謂李賢曰此老非迂濶者

務令就職與弼終不就賢往問之與弼曰勅書聘以

伊傅之禮今授宮僚故不受賢曰如此亦固執矣朝

廷待先生非輕今必欲如傳說爰立作相亦難且就

宮僚若果有建明則大任以漸而至與弼不從遂稱

病賢為之言於上上曰果如此亦難留也復口至文

華殿賜勅褒嘉贈以銀幣曰毋忘著述以繼前賢命

有司月給米二石以資供膳仍命行人王惟善送歸

於是與弼感激無以報稱條陳十事上之復上表

謝恩而去初與弼之召石亨薦之李賢代草也

陳建曰與弼跋石亨族譜自稱門下士以春宮諭

德謂小而不得骨為顧感權奸之一薦亦倖矣論與

弼學術與文集諸作及疏陳十事皆枯淺寂寞草

率粗畧無所發明至於目錄所記每多說夢而錄

首卽說夢見文王孔子朱子中間復言夢孔子來  
訪朱子來訪者至再至三先儒何嘗孜孜假夢  
賢附  
聖邪

十一月兵部尚書陳汝言下獄歿籍其家先是于謙

被籍自朝廷所賜外無他物至是陳所籍汝言家財

於大內廡下上召大臣入視且曰景泰間任于謙久

且專沒無餘物汝言未幾何受賄如是之多也時上

怒甚色變石亨等皆俛首自是上漸悟謙冤初謙之

歿皇太后不知後始知之乃為上備言于謙匡濟之

功迎立外藩之誣日久事定上察迎立事無實跡每

詰石亨張軌曹吉祥等皆曰臣亦不知乃徐有貞向

臣等言於是上深惡亨輩有貞遂發金齒為民。○太

平侯張賜卒賜先名軌景泰初自貴州征苗召還于謙劾其失機負罪不可用景帝宥之自

是與亨輩奪門復辟首謀殺謙又以謙信任都督范廣誣其同為叛逆并殺之廣既死賜一日遇諸途為

拱揖狀僕從問之曰范○遣中官送先師孔子及四

配鍍金銅像供於文淵閣。

戊寅二年春正月皇太子出閣讀書。○遣建庶人出

居鳳陽庶人建文君幼子也入禁大內時方二歲至

是年五十六矣出禁不識牛馬未幾庶人卒懿文太

子建文君遂無後。

夏四月復設各邊巡撫先是石亨等以文臣提督各

不識牛馬

邊軍務武臣不得自逞遂請罷之至是邊境騷然上與李賢謀復設焉。

已卯三年春正月定遠侯石彪有罪下獄死彪驍勇

頗立戰功景泰中陞都督天順初以石亨姪封侯彪

性凶暴貪狡包藏禍心謀鎮大同託人保奏言官劾

之逮繫詔獄論死。○禁朝臣交通近侍。○冬十月忠

國公石亨謀反下獄死時亨貪恣日甚勢焰薰灼門

下有瞽目指揮童先手出妖書曰惟有石人不動謂

天意有在勸亨舉事亨信之與其黨盧旺彥敬杜清

謀曰大同人馬甲天下我撫之素厚今石彪在彼充

游擊將軍異日命彪代李文掛鎮朔將軍印。北塞紫  
 荆關東據臨清以絕餉道則京城可不戰而破遂議  
 盧旺守裏河一帶是年春延綏有警命亨率師禦之  
 董先勸亨力舉前謀亨曰爲此事不難天下各處都  
 司除代未週待週爲之未晚亨出師無功而還石彪  
 事發罪連亨上罷其兵權未幾謀泄逮亨下獄歿獄  
 中其黨皆論歿李賢曰當時若以石彪鎮大同誠爲  
 可危在京武官多在亨門下而亨又  
 握兵權天下精兵無如大同稍有變動內外相應其  
 禍可勝言哉今辦之於早除此大害非朝廷剛明果  
 斷不能  
 如此

上一日與李賢言及迎駕奪門之功賢對曰迎駕則

可奪門二字豈可示後景泰不諱陛下宜復位天命  
 人心無有不順文武羣臣誰不願請何必奪門且內  
 府之門豈可奪奪之一字尤爲非順幸賴陛下洪福  
 得成其事使景泰左右先知之亨輩何足惜不審置  
 陛下於何地。上曰然彼時何以自解此輩非爲社稷  
 計不過貪圖富貴而已。

庚辰四年春正月召巡撫山東副都御史年富爲戶  
 部尚書李賢薦之也。○二月令冒報迎駕功陞官者  
 許自首改正時法司奏石亨等冒功陞官者俱合查  
 究上召問李賢曰此事恐驚動人心賢對曰不若令



其自首免罪。上曰：然。遂行之。於是冒功陞職者四千餘人，皆自首改正。○諸王出閣讀書，皇嗣六長皇太子次德王，次秀王，後絕次崇王，次吉王，次徽王。○會試以學士呂原尚寶少卿兼修撰柯潛充考試官。取陳選等一百五十人。

三月廷試，賜王一夔、李永通、王環等進士及第出身。有差。

起軒輓為左都御史，總理南京糧儲石亨誅上念輓嚴正不易得，故復召用。○起耿九疇為南京刑部尚書。

夏五月，靖遠伯王驥卒，年八十三，贈侯，諡忠毅。驥東人

永樂四年進士，有文武才，由兵科給事中，歷陞兵部尚書，敗阿台朵兒只，怕討平雲南，思任發韋郎羅等，屢奏軍功。世襲伯爵。

秋八月，孛來大舉入寇，直抵鴈門關，代朔忻州四散。捨掠，李賢奏請出京師軍於紫荆關，倒馬二關駐劄。非欲與之對敵，一則安撫人民，二則使彼不敢深入。上從之，命都督顏彪領兵赴紫荆關，馮宗領兵赴倒馬關，復勅二關之兵俱赴鴈門，孛來引去。

冬十月，命右僉都御史韓雍巡撫大同。

十一月，召巡撫南直隸右副都御史崔恭為吏部右

侍郎南畿巡撫。自周忱之後。恭爲特著云。○上御文華殿。與李賢王翱論人才高下。因曰。徐有貞才學亦難得。當時有何大罪。只是石亨張軏輩害之。寧免後世議論。可令原籍爲民。

辛巳五年夏四月。大明一統志成。凡九十卷。

秋七月。太監曹吉祥謀作亂事發。伏誅吉祥。恃功驕恣。上稍裁抑之。遂懷異圖。其從子曹欽冒功封昭武伯。凶暴殺人。爲御史所劾。上原之。而下詔戒諭勲舊之臣。欽懼。與吉祥謀欲幽上於南宮。立皇太子。時懷寧伯孫鏜。兵部尚書馬昂。統兵往甘涼。將辭朝。吉祥

令欽約其兄曹鐸。從兄都督曹鐸弟都指揮曹鉉。番官伯顏等。乘機殺孫鏜馬昂。就擁兵入宮爲亂。吉祥爲內應。是月初二日。鏜等陞殿。初一日晚。恭順侯吳瑾及都指揮完者禿亮知其謀。詣長安門告變。上聞之。命侍直中官執吉祥以俟。夜四鼓。欽率番漢兵五百騎直抵長安門。殺錦衣衛指揮遂臬都御史寇溪。擊傷大學士李賢。執之。并執王翱於東朝房。時禁門不開。欽黨縱火燒東西皇城門。及東華門。比曉。王師始集。會昌侯孫繼宗將之。孫鏜督諸軍前進。馬昂殿後。吳瑾及諸將分道迎擊。擒曹鐸斬之。吳瑾爲曹欽

所殺曹鉉突陣孫鏜斬鉉及鐸於是曹欽走還家官軍圍之無少長皆死伯顏縋城遁追獲之詔下吉祥

等於御史獄盡伏誅籍欽等家以賞將士餘黨並流

嶺南時京師有賀三老者欽之妻父也見欽聲勢赫奕絕不與往來欽欲為求一官力辭不可及欽

敗親戚誅竄殆盡三老獨免○追封恭順侯吳瑾梁國公謚忠莊

贈都御史寇溪少保謚忠愍加會昌侯孫繼宗太保

進封懷寧伯孫鏜為懷寧侯進完者禿亮為都督其

餘陞賞有差○以大理寺卿李賓為右都御史○擢

吏部驗封司郎中萬祺為太常寺卿祺江西南昌人少過異人相之

曰有仙骨否則極貴因與一書乃祿命法也於是研精於卜以吏員辦事吏部公卿貴戚神其術考授鴻

臚寺序班陞王簿景帝召見有言輒驗賜白金文綺

景帝不豫有議召襄世子者石亨以問祺祺曰皇帝

在南宮奚事他求其占復辟日時與全寅合天順初

召見文華殿即日授驗封司主事累進員外郎郎中

曹欽叛執王翱李賢時祺在旁欽問之祺曰公勿負

國家又為翱賢請免欽俛首其兄鐸曰萬君言是乃

出二人上聞而嘉之召祺賜宴勞後官至尚書○按

全寅山西安邑人少督學京房易占斷多奇中名聞

四方正統間客遊大同上皇在北遣使命鎮守太監

裴當問寅寅筮得乾之初九附奏曰大吉龍君相也

四初之應也龍潛躍必以秋應以庚午淡歲而更龍

河套

冬十月阿羅入河套寇延綏河套地肥饒可耕桑切

用也南面子衝午也故曰大吉上皇復位授寅錦衣

衛百

明紀事本末 卷五 明英宗紀 三  
近陝西榆林堡東至山西偏頭關西至寧夏鎮東西  
幾二千里南至邊牆北至黃河卽周之朔方秦蒙恬  
所取河南地漢之定襄郡赫連勃勃趙元昊所據以  
爲國者也唐三受降城在河套北黃河之外元東勝  
州在受降城之東明初殘元諸部落居漠北延綏無  
事正統以後漸失其險始渡河犯邊然猶不敢深入  
至是阿羅掠邊人爲嚮導因知河套所在出沒不常  
遂爲邊境之害

壬午六年春二月復設提學○秋九月四日皇太后  
孫氏崩上尊謚曰孝恭章皇后○太傅吏部尚書致

仕王直卒贈太保謚文端卒年八十四○以項忠爲右副

都御史巡撫陝西忠先爲陝西按察使民饑不待奏  
報輒發倉賑之聞繼母喪軍民詣闕乞留詔奪服視  
事徵爲大理寺卿軍民復赴闕借留上欲慰陝人故  
有是命

癸未七年春二月會試場屋災○是月晦夜空中有  
聲李賢奏曰上不恤下厥有鼓妖惟便民可以弭災

因請罷江南織造清錦衣衛獄止邊臣貢物停內外  
採買上未能盡行賢執爭數四同列皆寒悚賢退曰  
大臣知無不言豈可卷舌偷位耶○以姚夔爲禮部

妖

尚書。

追謚宣德廢后胡氏為恭讓章皇后。

孫太后崩。錢皇后為上言。胡后

賢而無罪。廢為仙師。其死也。人畏太后。歛葬皆不如禮。勸上復其位號。上從之。按錢皇后素性孝謹。絕無妬忌。英宗北去。每夜拜天哀籲。倦則臥地。因損一肢。哭泣太多。復損一目。英宗在南城。每不快。后曲為慰解。復辟之後。待景皇后尤盡禮焉。

秋八月。命禮部補會試。以太常寺少卿兼學士彭時

侍讀學士錢溥充考試官。取吳鉞等二百五十人。○

少師禮部尚書致仕胡濙卒。贈太保。謚忠安。

卒年八十九。

○擢山東按察使王鉞為右副都御史。巡撫大同。李

賢薦之也。

冬十二月。以王槩為大理寺卿。○京師耆民茹文中

卒。年一百十歲。

文中。無錫人。永樂初。隨其父徙居於燕。性坦易。志慷慨。不求仕進。日究心

書史。而遠於勢利。天順元年。二月。詔舉庶民。凡八十以上者。賜冠帶。時文中年百有四歲。上召見。問爾歷幾朝。對曰。歷七朝矣。賴聖天子恭己垂裳。小民得享和平之福。上喜。命順天府設宴。仍賜酒米。命吏部尚書姚夔以下造其家致賀。至是卒。人稱國之瑞云。

甲申八年春正月。上不豫。諭處後事。命太監牛玉執

筆書之。一曰東宮即位百日成婚。二曰定后妃名分。

三曰勿以嬖御殉葬。四曰殯殮器服從舊。書畢。命王

持付閣臣潤色。李賢與陳文彭時捧讀。驚愴歎曰。所

言皆關大體。而止。殉葬一事。尤為盛德。是月十七日

殉葬一事尤

庚午上崩年三十八歲乙亥皇太子即皇帝位。○尊皇后錢氏為慈懿皇太后。生母貴妃周氏為皇太后。時周貴妃傳旨錢后無子不得稱太后。宣德自有例。彭時曰胡后上表讓位退居別宮。故正統初不加尊號。今日名分固在。若推大孝之心。宜兩宮同尊。得允所請。李賢復議曰。正宮宜加二字。不然無分別。因定尊號。稱皇后錢氏為慈懿皇太后。貴妃周氏為皇太后。○上大行皇帝謚曰法天立道仁明誠敬昭文憲武至德廣孝睿皇帝。廟號英宗。○葬裕陵。○錦衣衛都指揮門達有罪下獄。謫戍南丹衛。召袁彬還。先是

英宗時門達有寵。總督官校緝事。兼鎮撫。問刑。權傾中外。恣橫羅織。人不敢言。忌袁彬質直不阿。計惟袁彬李賢二人能於上前言事。欲排去之。使邏卒拮擻彬數十事以聞。上欲法行。不以彬沮。諭達曰。從爾拏問。彬下獄。拷掠論歿。有採漆軍匠楊暄者。憤然為之不平。上疏論救。言昔者駕留北庭。彬以一校尉保護聖躬。備嘗艱苦。今卒然付獄。乞於御前審錄。則歿無憾。并陳達不法二十餘事。擊登聞鼓以進。上令達逮問。達偪暄令供李賢主使。暄佯應曰。此實李閣老教我為之。但我在此說出。無人證見。不若請法司庭鞫。

我對衆言之。彼亦無辭。達遂以聞。上命中官會同法  
司。訊於午門。暄大言曰。死則我死。何敢妄指他人。鬼  
神昭鑒。此實門指揮。教我指板也。達失色。計沮。彬得  
從輕調。南京事既白。李賢上疏乞休。以知足不辱。知  
止不耻爲言。上不允。且慰之曰。此細故。何足介意。及  
上初立言官。劾達欺罔。故殺諸大罪。始繫獄。彬自南  
京召還。復職。適達遣戍。南丹彬餞達。送出城如禮。時  
以爲難。

二月廷試。賜彭教。陸錢。羅璟等進士。及第出身。有差  
○復前修撰岳正。御史楊瑄。張鵬等官。○加李賢少

保兼華蓋殿大學士。陳文。吏部左侍郎。彭時。吏部右  
侍郎。

夏五月。戶部尚書年富卒。謚恭定。富。鳳陽懷遠人。氣節才識。爲時推重。

○時宦官用事。南京給事中王淵。王徽率同官上言  
五事。一曰覽史書。二曰開言路。三曰重大臣。四曰選  
良將。五曰保全內臣。其言保全內臣之事。曰如王振  
曹吉祥事敗。雖欲保全。不可得也。近有無耻大臣。結  
交內臣。或行叩頭之禮。或有翁父之稱。因而鬻獄賣  
官。擅作威福。今後內官不許管軍。管匠。置立田宅。其  
家人義子。悉究其來歷。發回原籍當差。仍嚴結交之

明紀事本末 卷五  
禁凡大小政事。斷自宸衷。惟與館閣大臣計議。則天下睹清明之政。而宦寺亦享悠久之福矣。

按憲章錄云。成周之制。以冢宰統閹寺。西漢之制。以丞相監宮中。宋人循周漢之遺。亦以宦官屬於宰相樞密。故內侍任守忠。有罪。韓魏公得以檄召而議。貶梁彥俊言。利僕射某願得以逮。至政事堂而叱責之。三代以下。制置閹宦之法。莫長於宋。故終宋之世。宦官鮮有專政亂國者。視漢唐大不作矣。

改兵部尚書馬昂為戶部尚書。以王竑為兵部尚書。

○復定襄伯郭登爵。鎮守甘肅。尋召還。提督京營。

至孝。居喪哀毀。骨立。三年內不食酒肉。不笑語。所上章奏皆自為之。有聯珠集行世。○六月禮

部左侍郎兼翰林院學士致仕薛瑄卒。贈禮部尚書。

謚文清。

瑄字德溫。其為學貴踐履。一言一動必求於禮。嘗言。讀書窮理。須有實見。然後驗於身心。體而行之。所著有讀書記。二十卷。後廷議。於祀文廟。

秋七月立皇后吳氏。○八月開經筵。○修英宗睿皇

帝實錄

九月廢皇后吳氏。詔曰。先帝臨御之日。為朕簡求賢

淑。已定王氏。育於別宮。以待期。不意內臣牛玉朦朧

奏請。將已退吳氏册立。位不稱德。不得已。請命母后

廢黜吳氏。明正牛玉之罪。免死。謫居南京。○南京六

科給事中王淵等上疏。以牛玉罪重。罰輕。乞寘諸法。

因斥內閣李賢阿附權豎。籠絡士夫。中藏奸計。外務



掩飾奏入逮下獄俱謫遠州判官

冬十月冊立皇后王氏

中軍都督王鎮之女也

○命左僉都御

史葉盛巡撫宣府盛至鎮修復官牛官田之法墾田

日多以餘糧易補戰馬一千八百餘匹其屯堡廢缺

者修築之不數月完七百餘所○時有內直將軍愬

天順初因入直迎駕而陞非冒功者今一切褫職非

法意上念其久於役特復之於是以前迎駕奪門陞者

紛紛入訴李賢言於上曰自石亨輩此舉之後人以

為富貴易得惟幸有事宜早治之且請復于謙等官

以雪幽枉上即命兵部查迎駕奪門陞者自太平侯

李瑾與濟伯楊宗以下俱奪爵訴者始息○以順義

縣原抄沒太監曹吉祥地三十五頃撥為宮中莊田

皇莊之立始於此○擢真定府東鹿縣知縣盛顛為

邵武府知府

顛無錫人初為御史言石亨擅權不法事請知東鹿縣豪右聞其來相戒曰是

嘗劫石總兵者其人不可犯也顛至變搏擊為拊循

吏畏而民安之丁內艱去民留之不可俟其服闋相

率請闕乞顛再任從之顛至不復用刑罰有爭訟者

論之以理輒叩頭聽受不復辨隣邑訟多年不決者

上官委顛審理顛折以片言各心服而去時人有清

如水明如鏡之謠邑介真定保定二府間四境之民

清官店

皇莊

十二月命平羌將軍定西侯蔣瓌鎮守甘肅

重鐫朱青巖先生擬編明紀輯畧卷五終

